

ИЧИМЛИК СУВИ ТАЪМИНОТИНИ ЯХШИЛАШ БЎЙИЧА ВАЗИФАЛАР ҚЎЙИЛДИ

Президент Шавкат Мирзиёев 8 февраль кuni худудларда ичимлик суви таъминотини яхшилаш масалалари бўйича йиғилиш ўтказди.

Барча ижтимоий дастурларда бу масалага алоҳида аҳамият қаратиб келинмоқда. Охирги беш йилда мазкур соҳага 10 триллион сўм ёки олдинги йилларга нисбатан 5 баравар кўп маблағ ажратилди. Бу даврда 6 миллион 500 минг аҳоли илк бор марказлашган ичимлик суви билан таъминланди.

Жумладан, ўтган йили 474 та сув иншооти қурилиб, 6 минг 300 километрга яқин тармоқлар тортилган. 592 та маҳаллада 2 миллиондан зиёд аҳолининг сув таъминоти яхшиланди.

Лекин, ҳали бу масалада қийинаётган маҳаллалар кўп. Жумладан, Қашқадарё, Сурхондарё ва Жиззах вилоятларида ичимлик суви таъминоти 60 фоиздан кам. Ғузор, Деҳқонобод, Косон, Шеробод, Ангор, Ғаллаорол ва Хатирчи туманларида бу кўрсаткич 30 фоизга ҳам етмайди.

Шу боис, келгуси беш йилда бу соҳага 40 триллион сўм инвестиция жалб қилиб, ичимлик суви таъминотини 90 фоиз, оқова сув қамровини 35 фоизга етказиш режалаштирилган. Жорий йилда бу мақсадлар учун бюджетдан 2 триллион сўм ажратилади, 245 миллион доллар жалб этилади.

Давлатимиз раҳбари асосий эътибор сув таъминоти ва сифати паст худудларга қаратилишини таъкидлади.

Хусусан, 1 минг 545 та маҳаллада марказлашган сув тармоғи йўқ. Мутасаддиларга улардаги имкониятларни ўрганиб, уч хил йўналишда ишни ташкил этиш бўйича кўрсатма берилди. Аввало, инфратузилмага яқин маҳаллаларга марказлашган тармоқ тортилади. Иккинчидан, ерости суви яқин ва тоза бўлган жойларда қудук қазилиб, сув иншооти қурилади. Учинчи йўналишга кўра, қудук қазил ва қувур тортиш имкони бўлмаган қишлоқларда катта сизимли ҳовуз барпо этилиб, сув ташиб келтирилади.

Бу ишларга хусусий секторни жалб қилиш чоралари ҳам белгиланди. Қайд этилганидек, сув иншоотлари қуриш, махсус транспорт ва ускуналар харид қилиш учун кредит фоизининг 14 фоизидан юқори қисмига субсидия берилади. Импорт қилинадиган ускуналар ва техникаларга божхона божлари бекор қилинади. Хусусий сектор иштирокидаги сув таъминоти корхоналарига фойда, ер, мулк ва ижтимоий солиқ ставкаси 1 фоиз бўлади. Маҳаллаларда хусусий сув таъминоти хизматлари учун тўловлар миқдори маҳаллий кенгашлар билан келишилган ҳолда белгиланади.

Шулардан келиб чиқиб, ижтимоий буюртма ва хусусий шерикларни танлаш ҳамда молиялаштириш тартибини соддалаштириш бўйича топшириқ берилди.

Ичимлик суви таъминоти кўрсаткичи республика бўйича энг паст – 43 фоиз бўлган Қашқадарё вилояти бўйича алоҳида дастур қабул қилиш вазифаси қўйилди.

Келгуси икки йилда 2 мингта боғча, мактаб ва тиббиёт муассасаларини ичимлик суви билан таъминлаш зарурлиги таъкидланиб, бунинг молиявий манбалари белгиланди.

Маълумки, бу соҳадаги лойиҳалар, асосан, "Ўзсўвтаъминот" акциядорлик жамиятининг инжиниринг компаниялари томонидан ишлаб чиқилади. Энди бундай ишларни жадаллаштириш учун жамиятнинг худудлардаги инжиниринг компаниялари вилоят ҳокимликлари тасарруфига ўтказиладиган бўлди. Лойиҳа-смета ҳужжатларини ишлаб чиқиш, пудратчиларни аниқлаш ва молиялаштиришни очиш ҳам вилоятнинг ўзидан бўлади. Уй-жой коммунал хизмат кўрсатиш вазирлиги ва "Ўзсўвтаъминот" акциядорлик жамияти лойиҳаларга техник талабларни белгилайди, экспертизадан ўтказиши ҳамда эксплуатациясига масъул бўлади.

Йиғилишда дарёлар ва ерости сувларини асраш масаласига алоҳида эътибор қаратилди.

Бугунги кунда 8 мингта сув қудуғидан 1 минг 500 таси яроқсиз ҳолатга келган. Оқибатда қарийб 800 та маҳалладаги 2 миллион аҳолининг сув таъминоти ёмонлашган. Зомин, Нурота ва Қўшрабат конларида қудуқлар қазил, Зарафшон ва Чирчиқ дарёлари ўзанидан қумшағал олиш назоратсиз, пала-партиш бўлгани сабабли бу худудларда ерости чучук сувлари захиралари 30 метргача пасайган.

Шу боис, бундан буён сув қудуқларини аниқлаш ва бурғилаш ишлари фақат Давлат геология қўмитаси томонидан амалга оширилиши белгиланди. Мутасадди идораларга қудуқларни хатловдан ўтказиш, дарё бўйларини қаттиқ тартибга олиш бўйича кўрсатма берилди.

Туманларда эксплуатация тизимини яхшилаш ҳам долзарб масала. Кўп туманларда бунинг учун зарур бирорта техника йўқ.

Шу боис, туман сув таъминоти ташкилотларининг имкониятини кенгайтириш муҳимлиги таъкидланди. Унга кўра, бу соҳада пуллик хизмат турларини белгилаш ваколати ва улар бўйича тушумлар тўлиқ туман сув таъминоти ташкилотларига ўтказилади. Ичимлик суви тармоқларини таъмирлаш, авария ҳолатларини бартараф этиш ҳамда махсус техника хариди учун туман ва шаҳар бюджетларидан маҳаллий "Сўвтаъминот" корхонасига маблағ ажратиш тизими жорий этилади.

Бухоро, Жиззах, Гулистон, Ширин, Янгиер каби 28 та йирик ва ўрта шаҳарда канализация тармоғи қамровини кенгайтириш бўйича ҳам топшириқлар берилди. "Янги Ўзбекистон" массивларида локал оқова-тозалаш иншоотларини қуриш зарурлиги айтилди.

Йиғилишда муҳокама қилинган масалалар юзасидан соҳа мутасаддилари, ҳокимлар сўзга чиқди.



Халқ депутатлари Кенгашига биринчи марта ҳоким раҳбарлик қилмайди. Кеча Ўзбекистонда янграган энг демократик хабар шу бўлса керак. Сирдарё вилояти Боёвут тумани ҳокими Дилфуза Ўролова халқ депутатлари Кенгаши раиси мақомини депутатларга топширибди. Бу мамлакатимиз тарихида халқ вакиллари ўтирадиган Кенгашга ҳоким эмас, депутат бошчилик қилаётган биринчи ҳолат. "Аввалги селекторда муҳтарам Президент билан суҳбат қилдик. Кеча бизга тавсиянома келди, Боёвут тумани халқ депутатлари Кенгаши алоҳида қилинади", – дейди Ўролова. Ҳокимнинг халқ депутатлари Кенгаши раиси мақомини бекор қилиш тажрибаси Сирдарё вилоятида, Боёвут тумани билан Ширин шаҳрида бошланди.

ҲАМ ДАДИЛ, ҲАМ ТАРИХИЙ ҚАДАМ



10 МИНГ
ЕТАКЧИ

4 САҲИФА



«МЕҲР
ДАФТАРИ»

5 САҲИФА

Олий Мажлис Қонунчилик палатасининг навбатдаги йиғилиши Президент ташрифларига оид хабарлар, фикр-мулоҳазалар билан бошланди. Таъкидландики, давлатимиз раҳбари Пекинда 24-қишки Олимпия ўйинларининг тантанали очилиш маросимида иштирок этиб, тоғ чанғичимиз Комилжон Тўхтаевни шахсан қўллаб-қувватлади. Бу мамлакатимизда оммавий спортни ривожлантиришга қаратилаётган юксак эътиборнинг яққол намунаси экани қайд этилди.



АГЕНТЛИК ФРАКЦИЯЛАРНИ ҲУРМАТ ҚИЛМАЙДИМИ?

Депутатлар дастлаб "Маъмурий тартиб-таомиллар тўғрисида"ги қонун лойиҳасини иккинчи ўқишда кўриб чиқишди. Назарда тутилаётган янги меъёрлар маъмурий тартиб-таомилларни амалга оширишда ҳуқуқий барқарорликни таъминлаш, фуқаролар ва тадбиркорларнинг давлат идоралари томонидан қабул қилинадиган маъмурий ҳужжатларга ҳурмат ва ишончини кучайтириш ҳамда мамлакатимизнинг инвестиция муҳитини яхшилашга хизмат қилади.

Халқ вакиллари "Стандартлаштириш тўғрисида"ги қонун лойиҳасини танқидий фикрлар, эътирозлар билан кўриб чиқишди. Масъул агентлик томонидан фракцияларда билдирилган тақлифларга эътиборсиз муносабатда бўлингани, айрим тузатишлар ҳали-ҳамон тўғриланмагани депутатлар норозилигига сабаб бўлди.

Таъкидландики, қонун лойиҳасининг қабул қилиниши

натيجасида стандартлаштириш тизими халқаро амалиёт билан уйғунлаштирилади. Бунда махсуслотлар (хизматлар) ва жараёнларнинг сифати, уларнинг ташқи бозорда рақобатбардошлиги ошишига эришилади. Шунингдек, лойиҳада кўзда тутилган меъёрлар сифатсиз махсуслотларнинг ишлаб чиқарилиши ва фойдаланилишининг олдини олади. Мазкур ҳужжатни янада такомиллаштириш бўйича қатор тақлиф ва тавсиялар билдирилиб, қонун лойиҳаси концептуал жиҳатдан қабул қилинди.

Мажлисда Соғлиқни сақлаш вазирига Қонунчилик палатасининг парламент сўровини юбориш ҳақида қарор ҳам қабул қилинди. Шунингдек, Саноат, қурилиш ва савдо масалалари, Фан, таълим, маданият ва спорт масалалари ва Халқаро ишлар ва Парламентлараро алоқалар қўмиталарининг 2021 йилдаги фаолияти тўғрисидаги ахборотлари эшитилди.

